

Wednesday, August 27, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT

ASSEMBLY

Ni hnih awh tur Mizoram Legislative Assembly fur thutkhawm chu vawiin khan Speaker Pu Lalbiakzama kaihhruiin tan a ni.

Assembly thutkhawm hi vawiin chawhma dar 10:30 khan tan a ni a, House tan anih velah Session neih hnunhnung ber leh tun session inkara member thi sunna hun hman niin hemi hnu hian paper hrang hrang leh report house dawhkanah pharh a ni a, Forest Minister Pu Lalthansanga'n Official Resolution pu lutin sawihoa anih hnuah pawm a ni a, Social Welfare Minister Pi Lalrinpuii'n The Mizoram Prohibition of Beggary Bill, 2025 a pu lut dawn a, The Mizoram (Land Revenue) (Amendment) Bill, 2025 chu a changtu Minister Pu B. Lalchhanzova'n a pu lut bawk.

Session ah hian Speaker Pu Lalbiakzama chuan Panel of Chairman mi 4 ruat an nih thu a sawi a, Lunglei West bialtu MLA Pu T. Lalhlimpaia, Mamit bialtu MLA Pu H. Lalzirliana, Tuirial bialtu MLA Pu K. Laldawngliana leh Tuichawng bialtu MLA Pi Prova Chakma te chu Panel of Chairman atan ruat an nih thu a sawi bawk ang.

Assembly Session Review hi zanin dar 7 leh minute 5 ah All India Radio Primary Channel ah tihchhuah a ni ang.



SESSION : ORBITUARY

Mizoram Legislative Assembly fur thutkhawm vawiina bultanah Rajya Sabha MP hlui, Pu Ronald Sapa Tlau leh Dampa bialtu MLA Pu Lalrintluanga Sailo sun an ni.

Sunna hunah hian House Leader Pu Lalduhoma chuan ram hruiatu boral ta pahnih te chu an ui takzet tih sawiin an sulhnu tam tak a awm thu a sawi a, eng party pawh sorkar se, sorkar dinglai chuan Member chatuan ram panta chhungkua in harsatna leh mamawh hrang hrang an neih te tihsak turin an inhawng reng tih a sawi a ni.

Byte : Chief Minister

Opposition Leader Pu Lalchhandama Ralte chuan ram hruiatu pahnih an sun tak te chu an ui takzet tih sawiin Mizoram tan channa nasa tak anih thu a sawi a, ram hruiatu an ui thu hi member hrang hrang in an sawi zawh hnuah Speaker Pu Lalbiakzama kaihhruiin minute 1 chhung ngawi renga dingin an sun a ni.



HEALTH MINISTER

Health Minister Pi Lalrinpui'n Private damdawiin te nen CT Scan chungchanga an inrem loh chhan chu cashless an duh loh vang a nih thu a sawi.

Vawiin Assembly Session-a zawhna leh chhanna hunah he thu sawiin, Health Minister Pi Lalrinpui chuan, Private damdawiin ten MUHCS an zawm duh loh avanga Sorkarin sum sen a tlem zat an chhut lo tih a sawi a, Private Hospital te nen CT Scan chungchanga an inrem loh chhan an sawi ber chu cashless an duh loh vang a ni tih sawiin, Cashless chu an policy a nih avangin mipuite hamthatna turin cashless ngeiin tih nise an ti a, hemi chungchangah hian private damdawi in te nen an la inbe reng a, an pawm theih thuai an beisei tih a sawi a ni.

Byte: Health Minister Pi Lalrinpui

Health Minister chuan tun dinhmunah empanelled hospital 11 a awm mek tih sawiin, hemi bakah hian day care 3, state pawnah 25 leh deemed empanelled 13 a awm mek a ti a, Hei bakah hian ZMC&H chuan Medical Council of India (MCI) permission chu a kum te te in an nei tih sawiin, kum 2 atan an pe leh phawt a, an pek chhoh zel pawh a ring tih a sawi a ni.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve ah Chanchinthar puan leh a ni ang.



CENTRE RELEASE RLB FUND

Sawrkar laipui chuan Mizoram, Odisha leh Tripura-a khawtlang inrelbawlina tihchak nan cheng vaibelchhe 284 chuang a pe chhuak.

Sorkar chuan heng sum te hi Finance Commission vawi 15-na Untied Grants hnuaiah a pe chhuak a, faina leh thianghlimna kawnga mamawh bulpui hna thawh nan te, in atanga bawlhhlawh paih chhuah sawngbawlina te, a bikin mihring ek leh ek tui bawlhhlawh sawngbawlina te, tui thianghlim in tur pek chhuahna te, ruah tui khawlkhawmna te leh recycling lam a huam tel a ni.



SIALHAWK PINEAPPLE

Mizorama lakhuihthei thar tam ber Sialhawk khua-a lakhuihthei chingtute chuan tun lai hian lakhuihthei an seng mek a, kumin hian Quintal 7500 an hralh chhuak tawh.

Sialhawk khua hian Lakhuihthei hralhna kawngah harsatna an tawk an tawk nual a, heng an harsatna tawh chungchangah hian Sialhawk Pineapple Growers

Society chuan MIFCO Chairman Pu Lal̤hazuala Royte hnenah an harsatna te thlenin, Chhingchhipa MIFCO hmuna sawngbawl turin Sialhawk lakhuihthei leisak turin an ngen a. MIFCO Chairman-in hma a laksakna zarah hian August ni 13 aṭangin MIFCO ah hian an chung lut a, MIFCO in Sialhawk lakhuihthei an leisak zawng zawng hi quintal 170 leh kg 88 a ni.

July thla khan Guwahati Aromatic Company nen inremna an lo siam tawh angina Quintal 400 an hralh a, kawng chhiat avangin hei bak an thawh belh thei a, Mizoram chhungah Aizawl leh khawpui dangahte lakhuihthei hi hralhin August ni 26 thleng hian quintal 7500 vel an hralh tawh a. Lakhuihthei hi tunah hian Kg. 1 Rs. 10/- in an hralh a ni.

Sialhawkah hian lakhuihthei chingtu chhungkaw 250 vel an awm a. Mizoram pum lakhuihthei thar chhuah aṭanga za zela 64% hi Sialhawk khaw thar chhuah a ni.

